

Reglugerð nr. 437/1995 um refa- og minkaveiðar með síðari breytingum.

Textinn hér að neðan er samsett reglugerð nr. [437/1995](#) um refa- og minkaveiðar, með áorðnum breytingum til 1. nóvember 2018. Sé misræmi milli þess texta sem birtist á vefsíðunni og þess texta sem birtur er í útgáfu B-deildar Stjórnartíðinda skal sá síðarnefndi ráða.

Orðskýringar.

1. gr.

Í reglugerð þessari merkir:

Friðun: Bann við veiðum og öðrum aðgerðum sem geta aukið vanhöld eða dregið úr viðkomu refa eða minka.

Veiðar: Að handsama eða drepa refi og minka.

Tjón af völdum refa og minka: Fjárhagslegt tjón sem einstaklingar, fyrirtæki eða aðrir verða fyrir, heilsufarslegt tjón fólks eða búfenaðar og tjón á náttúru landsins.

Markmið og umsjón veiða.

2. gr.

Veiðistjóri hefur umsjón með opinberum aðgerðum til að meta og draga úr tjóni af völdum refa og minka. Í því skyni stundar veiðistjóri hagnýtar rannsóknir í samvinnu við Náttúrufræðistofnun Íslands, aðrar stofnanir eða einstaklinga eftir því sem þörf krefur. Niðurstöður rannsókna skulu birtar opinberlega og lagðar til grundvallar aðgerðum til að draga úr tjóni af völdum refa og minka.

3. gr.

Í þeim tilgangi að koma í veg fyrir eða draga úr tjóni af völdum refa er friðun þeirra aflétt á tímabilinu 1. ágúst til 30. apríl um allt land, nema á svæðum þar sem veiðar eru bannaðar skv. sérstökum reglum sem settar eru á grundvelli laga nr. 47/1971 um náttúruvernd, sbr. 1. viðauka.

Heimilt er að veiða mink allt árið um land allt, nema á svæðum þar sem umhverfisráðherra hefur auglýst friðun hans tímabundið í rannsóknaskyni og á svæðum þar sem veiðar eru bannaðar skv. sérstökum reglum sem settar eru á grundvelli laga nr. 47/1971 um náttúruvernd, sbr. 1. viðauka.

Á eignarlöndum eru refa- og minkaveiðar einungis heimilar með leyfi veiðiréttarhafa.

4. gr.

Þar sem umhverfisráðherra ákveður, að fengnum tillögum veiðistjóra, að veiðar séu nauðsynlegar til þess að koma í veg fyrir tjón af völdum refa og minka er sveitarstjórn skylt að ráða skotmenn til [refa- og minkaveiða]¹⁾ árlega. Svæði sem hér um ræðir eru tilgreind í 2. viðauka. Eigi fleiri sveitarfélög sameiginlegt upprekstrarland skulu sveitarfélög fela stjórn viðkomandi upprekstrar- eða fjallskilafélags umsjón veiðanna.

Telji sveitarstjórn og veiðistjóri ekki þörf á að stunda [refa-]²⁾ og minkaveiðar á hluta þeirra svæða sem tilgreind eru í 2. viðauka er þeim heimilt með samþykki umhverfisráðherra að gera með sér samkomulag um takmörkun veiða á svæðinu.

Eftirlit með því að sveitarfélög sjái um refa- og minkaveiðar er í höndum veiðistjóra.

¹⁾ [Reglugerð nr. 207/1997](#) um breytingu á reglugerð þessari, 1. gr. ²⁾ [Reglugerð nr. 207/1997](#) um breytingu á reglugerð þessari, 1. gr.

Sérákvæði um refaveiðar.

5. gr.

Á grenjatíma, sem telst vera frá 1. maí til 31. júlí, eru refaveiðar heimilar skotmönnum sem ráðnir eru til [refaveiða]³⁾ skv. 4. gr. Þó geta bændur og æðarræktendur eða aðilar á þeirra vegum, skotið refi sem búfenaði eða æðarvarpi stafar bein hættu af. Skal viðkomandi tilkynna skotmönnum ráðnum skv. 4. gr. um slíka veiði svo fljótt sem auðið er.

Skotmenn sem ráðnir eru samkvæmt 4. gr. skulu vera til reiðu á grenjatíma ef refir valda tjóni.

Þar sem veiðistjóra og sveitarstjórn þykir betur henta má skipuleggja refaveiði að vetrarlagi í stað grenjavinnslu.

³⁾ [Reglugerð nr. 207/1997](#) um breytingu á reglugerð þessari, 2. gr.

6. gr.

[Telji sveitastjórn þörf á að vinna þekkt greni eða leita áður óþekktu grenja skal haft um það samráð við veiðistjóra og skal kostnaðaráætlun samþykkt af veiðistjóra áður en aðgerðir hefjast.]⁴⁾

[Refaskyttur skulu vera vel vopnum búnað og kappkosta að vinna hvert greini á sem stystum tíma.]⁵⁾

Grenjaskyttur skulu vera vel vopnum búnað og kappkosta að vinna hvert greini á sem stystum tíma.

Séu dýrabogar lagðir fyrir yrðlinga í grenjum skal búa þannig um bogana að sem minnst hætta sé á að yrðlingar meiðist. Gerðir fótboga og gildra skulu hafa hlotið samþykki ráðgjafarnefndar um villt dýr. Ekki má yfirgefa greni þar sem bogar hafa verið lagðir fyrir yrðlinga. Yrðlingar skulu aflífaðir á skjótvirkan hátt.

⁴⁾ [Reglugerð nr. 207/1997](#) um breytingu á reglugerð þessari, 3. gr. ⁵⁾ [Reglugerð nr. 207/1997](#) um breytingu á reglugerð þessari, 3. gr.

7. gr.

Skylt er að ganga vel um greni og skilja þar ekkert rusl eftir. Heimilt er að merkja greni með því að hlaða smávörðu eða byrgi í námunda við það.

Óheimilt er að eyðileggja greni.

Ekki má láta hunda hlaupa um á greni á grenjatíma né hafa þar óþarfa umgang.

Sveitarstjórnir skulu halda skrá yfir öll þekkt greni og er [refaskyttum]⁶⁾ skylt að viðhalda henni með upplýsingum um ný greni sem þeir kunna að finna.

[Afrit af grenjaskrá skal vera í vörslu veiðistjóra.]⁷⁾

⁶⁾ [Reglugerð nr. 207/1997](#) um breytingu á reglugerð þessari, 4. gr. ⁷⁾ [Reglugerð nr. 207/1997](#) um breytingu á reglugerð þessari, 4. gr.

Sérákvæði um minkaveiðar.

8. gr.

Menn sem ráðnir eru til minkaveiða skulu að jafnaði veiða á tímabilinu 20. apríl til 30. júní. Þar sem sveitarstjórn og veiðistjóra þykir betur henta má skipuleggja minkaveiðar á öðrum árstímum.

Skylt er að ganga þannig um minkabæli að ekki hljóttist landspjöll af.

Ráðnir minkaveiðimenn skulu leita meðfram sjó, ám og vötnum þar sem líklegt telst að minkabæli finnist.

Minkaveiðimenn skulu vera vel tækjum búnað og hafa með sér vana minkaveiðihunda ef þess er nokkur kostur.

Séu gildir lagðar fyrir mink skal þannig um þær búið að öðrum dýrum stafi sem minnst hætta af. Ef fótbogar og dauðagildir eru notaðar skal búa um þær þannig að minkurinn láti lífið á sem skjóttastan hátt. Gerðir fótboga og gildra skulu hafa hlotið samþykki ráðgjafarnefndar um villt dýr.

Minkur sem næst lifandi skal aflífaður á sem skjóttvirkastan hátt.

Leiðbeiningar og uppgjör vegna veiða.

9. gr.

Skylt er veiðistjóra að leiðbeina [veiðimönnum],⁸⁾ sem sveitarfélög semja við um refa- og minkaveiðar, um veiðiaðferðir, veiðitækni og búnað við veiðar. Veiðistjóri skal og veita allar upplýsingar og aðstoð sem tök eru á, halda námskeið fyrir veiðimenn eftir þörfum og gera tilraunir með ný tæki og veiðiaðferðir.

[Veiðimenn]⁹⁾, sem sveitarfélög semja við um refa- og minkaveiðar, skulu í starfi stuðla að aukinni þekkingu á refum og minkum í samvinnu við veiðistjóra og láta í té sýni úr felldum dýrum sér að kostnaðarlausu, fari veiðistjóri fram á það eða aðrir sem hann samþykkir.

⁸⁾ [Reglugerð nr. 207/1997](#) um breytingu á reglugerð þessari, 5. gr. ⁹⁾ [Reglugerð nr. 207/1997](#) um breytingu á reglugerð þessari, 5. gr.

10. gr.

[Umhverfis- og auðlindaráðherra ákveður árlega viðmiðunartaxta launa minka- og refaveiðimanna og verðlauna fyrir löglega unna refi og minka].¹⁰⁾ Verðlaun fyrir unnin dýr skulu aðeins greidd sé skott af hverju unnu dýri lagt fram til sönnunar. Gildir þetta jafnt um ráðnar grenjaskyttur og minkaveiðimenn sem aðra.

Vilji veiðimaður hagnýta sér skinn af unnu dýri getur hann sannað veiði sína með því að leggja skinnið fram hjá sveitarstjórn. Skal þá skinnið auðkennt með merkibleki á innanvert skottið og skal stungið í merkið með oddhvassri nál.

Við uppgjör skulu [refaskyttur]¹¹⁾ og menn sem ráðnir eru til minkaveiða leggja fram sundurliðaða reikninga og útdrátt úr dagbók þar sem skráð er hvar og hvenær grenjaleit og veiðar fóru fram [ásamt upplýsingum um staðsetningu grenja]^{x)}. Skulu afrit af kvittunum og útdráttur úr dagbók fylgja árlegu reikningsyfirliti til veiðistjóra, sbr. 11. gr.

¹⁰⁾ [Reglugerð nr. 879/2014](#) um breytingu á reglugerð þessari, 6. gr. ¹¹⁾ [Reglugerð nr. 207/1997](#) um breytingu á reglugerð þessari, 6. gr.

11. gr.

Uppgjörstímabil vegna refa- og minkaveiða er frá 1. september ár hvert til 31. ágúst næsta ár. Skytt er oddvitum, sveitarstjórum, bæjarstjórum og öðrum þeim, er sjá um framkvæmd refa- og minkaveiða, að senda veiðistjóra skýrslu um veiðina ásamt [grenjaskrá, upplýsingum um ný greni og]¹²⁾ reikningsyfirliti innan 6 vikna frá lokum uppgjörstímabils.

Veiðistjóri endurskoðar reikninga vegna refa- og minkaveiða. Úrskurði veiðistjóri að reikningar séu réttir og hóflegir endurgreiðir ríkissjóður viðkomandi sveitarfélagi [hluta kostnaðar í samræmi við auglýstar reglur um þátttöku ríkisins í refa- og minkaveiðum.]¹³⁾

Veiðistjóri skal árlega birta upplýsingar um veiðarnar og kostnað við þær.

Vanræki sveitarstjórn að framfylgja fyrirmælum þessarar greinar er umhverfisráðherra heimilt að svipta það sveitarfélag framlagi því úr ríkissjóði sem gert er ráð fyrir í reglugerðinni, eitt ár í senn.

¹²⁾ [Reglugerð nr. 207/1997](#) um breytingu á reglugerð þessari, 7. gr. ¹³⁾ [Reglugerð nr. 207/1997](#) um breytingu á reglugerð þessari, 7. gr.

Refsiákvæði.

12. gr.

Brot gegn reglugerð þessari varða sektum, varðhaldi eða fangelsi, upptöku skotvopna og sviptingu veiðileyfis, sbr. 19. gr. laga nr. 64/1994. Mál út af slíkum brotum sæta meðferð opinberra mála.

Heimildarákvæði.

13. gr.

Reglugerð þessi er sett samkvæmt 7., 12. og 13. gr. laga nr. 64/1994 um vernd, friðun og veiðar á villtum fuglum og villtum spendýrum og öðlast þegar gildi. Jafnframt er felld úr gildi reglugerð nr. 358/1994 um að aflétta friðun refa og um veiðar á refum og minkum.

Umhverfisráðuneytið, 31. júlí 1995.

1. VIÐAUKI

Friðlýst svæði, skv. lögum nr. 47/1971 um náttúruvernd, þar sem veiðar eru óheimilar, sbr. 10. gr. laga nr. 64/1994.

Heiti	Eðli friðlýsingar	Auglýsing í Stjórnartíð.
Ástjörn	friðland	189/1978
Borgir	náttúruvætti	269/1981
Búðahraun	friðland	357/1979
Díma í Lóni	náttúruvætti	523/1975
Dverghamrar	náttúruvætti	446/1987
Eldey	friðland	119/1974
Esjufjöll	friðland	188/1978
Geitland	friðland	283/1988
Gróttá	friðland	131/1984
Gullfoss	friðland	141/1979
Herdísarvík	friðland	121/1988
Hornstrandir	friðland	332/1985
Hraunfossar og Barnafossar	náttúruvætti	410/1987
Húsafellsskógur	friðland	217/1974
Hvannalindir	friðland	32/1973
Ingólfshöfði	friðland	388/1978
Jökulsárgljúfur	þjóðgarður	359/1993
Kringilsárrani	friðland	524/1975
Melrakkaey	friðland	118/1974
Skaftafell	þjóðgarður	319/1984
Skógarfoss	náttúruvætti	477/1987
Spákonufellshöfði	fólkvangur	444/1980
Surtsey	friðland	122/1974
Varmárósar	friðland	506/1987
Víghólasvæðið	náttúruvætti	778/1983
Þjórásarver	friðland	507/1987

2. VIÐAUKI

Svæði þar sem refa- og minkaveiðar skulu stundaðar, sbr. 12. gr. laga nr. 64/1994.

Til þess að draga úr tjóni af völdum refa og minka skal stunda skipulega grenjaleit, grenjavinnslu og minkaveiðar um allt land á öðrum svæðum en þeim sem óheimilt er að veiða á, sbr. 1. viðauka, og á svæði á miðhálandi landsins sem afmarkast af línu er hugsast dregin milli eftirtalinna hnita, sbr. kort Landmælinga Íslands:

Mýra- og Borgarfjarðarsýsla

1. ÞÓRISJÖKULL, hæðarpunktur 1350
2. EIRÍKSJÖKULL, hæðarpunktur 1675
3. VEIÐITJÖRN, vesturendi

Vestur- og Austur-Húnavatnssýsla

1. HALLDÓRSHÓLL, hæðarpunktur 475
2. SAUÐAFELL, hæðarpunktur 679

Skagafjarðarsýsla

1. SANDFELL, hæðarpunktur 827

Suður-Þingeyjarsýsla

1. SANDMÚLAVATN, norðurendi
2. BLÁFJALL, hæðarpunktur 1222
3. BÚRFELL, hæðarpunktur 953
4. ÁRMÓT JÖKULSÁR Á FJÖLLUM OG SKARÐSÁR

Norður-Múlasýsla

1. ÞRÍHYRNINGUR, hæðarpunktur 958
2. ÁRMÓT SAUÐÁR OG JÖKULSÁR Á BRÚ

Suður-Múlasýsla

1. ÞRÁNDARJÖKULL, hæðarpunktur 1248
2. HOFSJÖKULL, hæðarpunktur 1190, sýslumörk

Austur-Skaftafellssýsla

1. EFSTAFELL, hæðarpunktur 1275
2. MÁFABYGGÐIR, hæðarpunktur 1440
3. FREMRIMENN, hæðarpunktur 834

Vestur-Skaftafellssýsla

1. HOLTASKER, hæðarpunktur 834
2. LEIÐÓLFSFELL, hæðarpunktur 548
3. EINHYRNINGUR, hæðarpunktur 684
4. SANDFELL, hæðarpunktur 597

Rangárvallasýsla

1. ENTA, hæðarpunktur 1350
2. HEKLA, hæðarpunktur 1491
3. HRAUNEYJARFOSS Í TUNGNAÁ

Árnessýsla

1. LAMBAFELL, hæðarpunktur 714
2. BLÁFELL, hæðarpunktur 1204
3. ELDBORGIR Í LAMBAHRAUNI, hæðarpunktur 678, hreppamörk
4. SKJALDBREIÐUR, hæðarpunktur 1060, bein lína í hnit 1

Undantekning er þó gerð að því er varðar minkaveiðar (A) í Herðubreiðarfriðland, sbr. auglýst mörk friðlandsins í auglýsingu nr. 272/1974 í B-deild Stjórnartíðinda og (B) í Veiðivötnum í Rangárvallasýslu, á svæði sem takmarkast af eftirfarandi hnitum:

I.HÓFSVAÐ í Tungnaá

II.FONTUR, hæðarpunktur 738

III. TUNGNAÁ við Jökulvatn (Jökullón) með vesturbakka Tungnaár í hnit I.